

ახმეტის მუნიციპალიტეტის საკრებულოს  
რიგგარეშე სხდომის  
ოქმი № 4

ქ. ახმეტა

31 იანვარი, 2017 წელი

თავმჯდომარეობდა:

გელა ჯუგაშვილი-ახმეტის მუნიციპალიტეტის  
საკრებულოს თავმჯდომარე

ს ხ დ ო მ ა ს ე ს წ რ ე ბ ო დ ნ ე ნ:  
ახმეტის მუნიციპალიტეტის  
საკრებულოს წევრები:

თ. წითელაური, ა. შათირიშვილი, ნ. აბალოიძე,  
თ. ყვინიშვილი, გ. ქიტესაშვილი, გ. მაისურაძე,  
რ. ბალაკაშვილი, მ. ალხანაშვილი, დ. მურთაზაშვილი  
ა. მექვეერიშვილი, ზ. ქინქლაძე, ა. მაილაშვილი,  
თ. ბოდაველი, გ. უძილაური, ა. ნახუცრიშვილი,  
ბ. ჭიჭიკლიშვილი, ნ. ლუბიანური, ლ. გოგოთიძე,  
ც. გრძელივანიშვილი.

სხდომა გაიხსნა 14<sup>00</sup> საათზე.

საკრებულოს თავმჯდომარემ გელა ჯუგაშვილმა გახსნა სხდომა და დამსწრე პირებს გააცნო  
დღის წესრიგი.

დღის წესრიგი:

1. საქართველოს სახელმწიფო ბიუჯეტით გათვალისწინებული საქართველოს რეგიონებში განსახორციელებელი პროექტების ფონდიდან დასაფინანსებელი ადგილობრივი თვითმმართველობის პროექტების თაობაზე, ახმეტის მუნიციპალიტეტის გამგებლის მიერ წარმოდგენილი საპროექტო წინადადებების მოწონების შესახებ;

/მომხსენებელი -დავით მურთაზაშვილი/



მოისმინეს: საქართველოს სახელმწიფო ბიუჯეტით გათვალისწინებული საქართველოს რეგიონებში განსახორციელებელი პროექტების ფონდიდან დასაფინანსებელი ადგილობრივი თვითმმართველობის პროექტების თაობაზე, ახმეტის მუნიციპალიტეტის გამგებლის მიერ წარმოდგენილი საპროექტო წინადადებების მოწონების შესახებ;

/მომხსენებელი - დავით მურთაზაშვილი/

მომხსენებელმა დამსწრე წევრებს გააცნო განკარგულების პროექტი:

მოწონებულ იქნეს საქართველოს სახელმწიფო ბიუჯეტით გათვალისწინებული საქართველოს რეგიონებში განსახორციელებელი პროექტების ფონდიდან 2017 წელს დასაფინანსებელი ადგილობრივი თვითმმართველობის პროექტების თაობაზე ახმეტის მუნიციპალიტეტის გამგებლის მიერ წარმოდგენილი საპროექტო წინადადებები თანდართული სახით.

დაევალოს ახმეტის მუნიციპალიტეტის გამგებელს განსახორციელოს საპროექტო წინადადებების ინიცირება საქართველოს რეგიონული განვითარებისა და ინფრასტრუქტურის სამინისტროში.

მომხსენებელმა აქვე აღნიშნა, რომ არსებობს მთელი რიგი პრობლემები: სოფ. ქვ. ალვანის სამ უბანზე სასმელ წყლებში ჩაედინება ფეკალური მასები, მართალია ხდება ამ წყლების გაფილტვრა, მაგრამ მისი გასუფთავება ბაქტერიული თვალსაზრისით შეუძლებელია.

აზრი გამოთქვეს: ციური გრძელივანიშვილმა აღნიშნა: ბოლო რვა წელია მატანში წყალი არ დაწყვეტილა. ქსელის რეაბილიტაციის დაწყების შემდეგ მოსახლეობას წყლის მიწოდება შეუწყდა. რატომ არ ხდება კონტროლი და რა არის აღნიშნული ფაქტის მიზეზი.

რაზეც ბეჟა ბაიდაურმა უპასუხა: მოსახლეობის მოთხოვნა იყო ზაფხულში არ შეწყვეტილიყო წყალი, რამაც გამოიწვია დაწყებული სამუშაოების გახანგრძლივება.

ალექსი მაილაშვილმა აღნიშნა: სოფელ ოჟიოში სადაც წყლის მოსაგვარებლად უნდა ჩაიდგას დრენაჟი, რომელიც უკვე იყო გაკეთებული რომელმაც არ გაამართლა. ვფიქრობ, რომ ამ პროექტით ვერ მოგვარდება წყლის პრობლემის გადაჭრა.

რაზეც გელა ჯუგაშვილმა უპასუხა: შესწავლილი აქვთ შესაბამის სპეციალისტებს და დადებულია დასკვნა სასმელი წყლის პრობლემის მოგვარების შესახებ.

არჩილ შათირიშვილმა გააკეთა განცხადება ბალებთან დაკავშირებით №2 საბავშვო ბაღზე გათვალისწინებულია 350 ათასი ლარი, ხოლო სხვა დანარჩენ ბაღებში არც წყალია



შეყვანილი და არც გაზი მიეწოდებათ. ვფიქრობ ეს თანხა თანაბრად გადავანაწილოთ რათა მოხდეს ზაღების თანაბარი ფუნქციონირება.

სხდომის თავმჯდომარემ კენჭისყრაზე დააყენა საკითხის მიღება:

მომხრე - 15

წინააღმდეგი - 4

თავი შეიკავა - 1

ახმეტის მუნიციპალიტეტის საკრებულომ მიიღო განკარგულება №2 საქართველოს სახელმწიფო ბიუჯეტით გათვალისწინებული საქართველოს რეგიონებში განსახორციელებელი პროექტების ფონდიდან დასაფინანსებელი ადგილობრივი თვითმმართველობის პროექტების თაობაზე, ახმეტის მუნიციპალიტეტის გამგებლის მიერ წარმოდგენილი საპროექტო წინადადებების მოწონების შესახებ;

დღის წესრიგით გათვალისწინებული საკითხის ამოწურვის შემდეგ სხდომის თავმჯდომარემ ჰკითხა, დამსწრე საკრებულოს წევრებს: ხომ არ სურთ რაიმე წინადადების დაყენება.

სხდომაზე დამსწრე საკრებულოს წევრებს წინადადების დაყენების სურვილი არ გამოუთქვამთ.

საკრებულოს სხდომა დაიხურა 14<sup>45</sup> საათზე.

საკრებულოს თავმჯდომარე:



გელა ჯუგაშვილი